

Канон общий святой мученице

Начало канонов (см. Чин чтения канонов)

После «Бог Господь»:

Если есть, тропарь мученице, и Богородичен по гласу тропаря; если же тропаря нет, то читаем:

Тропарь общий мученице, глас 4

Агница Твоя, Иисусе, *имярек*, зовёт велиим гласом: Тебё, Женише мой, люблю, и Тебё ищущи страдальчеству, и сраспинаюся, и спогребаяюся крещению Твоему, и стражду Тебё ради, яко да царствую в Тебё, и умираю за Тя, да и живу с Тобю. Но яко жертву непорочну приими мя с любовью пожержуюся Тебё. Той молитвами, яко милостив, спаси души наша. *(Дважды.)*

Слава, и ныне, *Богородичен*: Еже от века утаенное и Ангелом несведомое таинство, Тобю, Богородице, сущим на земли явися Бог, в неслитном соединении воплощаемь, и Крест волею нас ради восприим, имже воскресив первозданного, спасе от смерти души наша.

Затем: Псалом 50

Канон, глас 8

Песнь 1

Ирмос: Поим Господеви, проведшему люди Своя сквозе Чермное море, яко един славно прославися.

Припев: Святая мученице, *имярек*, моли Бога о нас¹. *(Поклон.)*

Влечёт к песнопению премирных воинства, и земных лики, всехвальная отроковица, чудесы.

Доброты возжелав Владыка всех, краснейшаго твоего сердца всехвальная, небесных чертогов сподоби тя.

Слава: На казни и болезни, и на раны многообразныя, не усташена, мученице, вместилася еси: поспешающую бо имаши благодать Спасову, возмогающую тя.

И ныне: Пречистая Богородице, воплощенно Присносущное и Пребожественное Слово паче естества рождшую, поём Тя.

Моли Бога о нас, святая мученице, *имярек*, яко мы усердно к тебе прибегаем, скорой помощнице и молитвеннице о душах наших. *(Поклон.)*

¹ Этот припев повторяется перед первыми двумя тропарями в каждой песне канона. Перед первым тропарем первой и девятой песен припев читается с поклоном, в остальных случаях – без поклона.

Песнь 3

Ирмос: Ты еси утверждение притекающих к Тебе, Господи, Ты еси свет омраченных, и поет Тя дух мой.

Явилася еси на судищи мужественну душу носящи, и врага якоже немужественна победила еси всехвальная.

Порок в доброте твоей, ниже враска² души бысть; и ты Христос невесту в нетленные чертоги прият.

Слава: Исцели всехвальная души моея струпы, мученице Христова, *имярек*, и утиши твоими молитвами жизни моея бурю.

И ныне: Ты вси стяжанием прибежище, и стену нашу христиане, и Ты славословим немолчно, Безневестная.

Моли Бога о нас, святая мученице, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

Господи помилуй. (Трижды.)

Если есть особый кондак мученице, читаем его перед седальном.

Седален, глас 8

Кровей твоих струями, мученице Христова, потоп нечестивым присно действуеши, всехвальная; тучами же благодати словесныя нивы напаяющи всегда, в нихже возвращаеши клас веры, тем преславно и по смерти явилася еси облак, источающи жизни свидетельство, страстотерпице всехвальная, *имярек*, молися Христу Богу, согрешений оставление даровати чтущым любовью святую память твою.

Слава, и ныне, *Богородицен*: Яко Деву и едину в женах Тя безсеменно рождшую Бога плотию, вси ублажаем роди человечести: огонь бо вселися в Тя Божества, и яко Младенца дойши Зиждителя и Господа. Тем ангельский собор и человеческий род, достойно славим пресвятое рождество Твое, и согласно вопием Ти: моли Христа Бога, прегрешений оставление даровати, достойно поющим славу Твою.

Песнь 4

Ирмос: Услышах, Господи, смотрения Твоего таинство, разумех дела Твоя, и прославих Твое Божество.

Нескверное зеркало божественных разумений тебе самую устроивши, яко светильник златопотнейший страдалиц посреде, мученице, возсияла еси.

Мрачному не принесла еси демону жертвы, непобедимая мученице, *имярек*, жизноточную бо возлюбила еси за благочестие смерть прияти.

Слава: Яко неболезненно носящи со страстоточцы тело непорочная, ранами нечувствительна пребыла еси, божественная любве рачением.

И ныне: Очищение нам даруй неведения, яко безгрешен, и умири мир Твой, Боже, молитвами Рождшия Тя.

Моли Бога о нас, святая мученице, *имярек*, яко мы усердно к тебе прибегаем, скорой помощнице и молитвеннице о душах наших. (Поклон.)

² Враска – морщина, недостаток.

Песнь 5

Ирмос: Утренююще вопиём Ти: Господи, спаси ны, Ты бо еси Бог наш, разве Тебе иного не вемы.

Дне и мира противоположное уведевши, ратолобнаго демона любити не восхотела еси.

Мнев твою ослабити божественную, мученице, *имярек*, любовь, смех явися, козньми вселукавыи.

Слава: Подаждь ми просвещение и мир, всехвальная, решащи молитвами твоими многомятежное смущение.

И ныне: Деву по рождестве поём Тя, Богородице, Ты бо Бога Слова плотию миру породила еси.

Моли Бога о нас, святая мученице, *имярек*, яко мы усердно к тебе прибегаем, скорой помощнице и молитвеннице о душах наших. (*Поклон.*)

Песнь 6

Ирмос: Ризу мне подаждь светлу, одеяйся светом яко ризою, многомилостиве Христе Боже наш.

Мужественное в женстей плоти души мудрование носящи славная, о зверех сущих в водах нерадила еси.

Победила еси мучителей гордыню, невреждена пребыла еси, мученице непобедимая, и венец победы прияла еси.

Слава: Яко добру, и яко красну, яко честну, и яко девства зарями сияющую, тебе Жених Господь Себе приводит, преславная.

И ныне: Единая Слово плотию Слово породившая, избави, молимся, сетей вражиих души наша.

Моли Бога о нас, святая мученице, *имярек*, яко мы усердно к тебе прибегаем, скорой помощнице и молитвеннице о душах наших. (*Поклон.*)

Господи помилуй. (*Трижды.*) Слава, и ныне.

Кондак, глас 2

Храм Твой всечестный, яко цельбу душевную обретше вси вернии, велегласно вопиём Ти, дево мученице, *имярек*, великоименитая: Христа Бога моли непрестанно о всех нас.

Икос

Уневестившуюся Христу мучением, *имярек*, сошедшая, почтим достойно, яко да тоя молитвами, душеленныя пагубы избавльшися, губительства, труса и падежа, житие во смирении препроводим, сподобльшися со всеми святыми, от века Богу благоугодившими, ходити во свете, и пети с сими: удивил еси, Спасе, Твоя милости всем человеком, верою хвалящим ю. Темже зовем ей: моли непрестанно о всех нас.

Песнь 7

Ирмос: От Иудеи дошедше отроцы, в Вавилоне иногда, верою Троицкою пламень пещный попраша, поюще: отцев Боже, благословен еси.

Паче ума явися божественных мучеников благоумяства, Зиждитель бо всех тварь покарят во страдании зовущим³: отцев наших Боже, благословен еси.

Хулящая заградя пресловущая отроковица уста мучителей, и гордыню прбеззаконных Духом Святым, божественно воспевающи: отцев наших Боже, благословен еси.

Слава: Троица отрок преподобных разжегшия пещь древле попали; ныне же Богомудрая, Троицу поющи, слуги улови, отцев Бога поущия: Боже, благословен еси.

И ныне: Наше спасение якоже восхотел еси, Спасе, устроить, во утробу Девы вселился еси, Юже миру предстательницу показал еси, отцев наших Боже, благословен еси.

Моли Бога о нас, святая мученице, *имярек*, яко мы усердно к тебе прибегаем, скорой помощнице и молитвеннице о душах наших. (*Поклон.*)

Песнь 8

Ирмос: Царя Небеснаго, Егоже поют вси ангельстии, хвалите и превозносите во вся веки.

Блаженнейшая в женах, Вышняго возмездную имущи благодать, пояше хвалящи Христа во веки вся.

Укреплена помыслом Невестника⁴, невестственным рачением, тело предала еси на смерть, и живещи во веки вся.

Слава: Тайно Жених ко пречистей невесте в пещь пришед, духовною росой Отчим благоволением спасл есть, поюще Христа во веки.

И ныне: Помощи яже от Тебе требующия не презри, Дево, поущия и превозносящия Тя во веки.

Моли Бога о нас, святая мученице, *имярек*, яко мы усердно к тебе прибегаем, скорой помощнице и молитвеннице о душах наших. (*Поклон.*)

Песнь 9

Ирмос: Тя, неискусобрачную Матерь Бога вышняго, Тя, паче ума рождшую словом войстинну Бога, вышшую пречистых сил, немолчными славословлениями величаем.

Припев: Святая мученице, *имярек*, моли Бога о нас. (*Поклон.*)

Течение живия крове знамение нетленных свыше дарованных тебе жизни, мученице всехвальная, целений бо сокровище непрестанное черплющим явилася еси.

Коснися тебе смерть естества законом, Богомудрая, в живоносную же мертвость нестрастно облеклася еси. Еюже яко одушевленное твоё тело положши всечестное, живещи нетленно, и свидетельствуют твои кровотечения.

Слава: Яко солнечную лучу озаряющую вся, и яко невесту Христову предобру,

³ Зиждитель покоряет тварь (все сотворенное Им) тем, кто зовет в страдании...

⁴ Невестник – Жених, то есть Христос.

яко гóрлицу чистолóбівую, и яко мáслину, яко кедр, яко сýщую избрáнную голуби́цу, хва́лим тя вси, *имярек*, богоименита́я.

И ныне: Невéсто неискусобра́чная, сосúде благово́ния, Тя яко и́стинную и непорóчную, и божéственного о́блак свéта, приéмшую небéсный дождь во утрóбе, Дéво Мати, велича́ем.

Моли́ Бóга о нас, святáя мýченице, *имярек*, яко мы усéрдно к тебе́ прибега́ем, скóрой помо́щнице и моли́твеннице о душа́х на́ших. (*Поклон.*)

Затем окончание канона (см. Чин чтения канонов)

Тропарь общий мученице⁵, глас 4

Агница Твоя́, Иису́се, *имярек*, зовет вéлиим гласом: Тебе́, Женише́ мой, люблю́, и Тебе́ и́щущи страда́льчествоую, и сраспина́юся, и спогребáюся крещéнию Твоему́, и стра́жду Тебе́ ра́ди, яко да ца́рствую в Тебе́, и умираю́ за Тя, да и живу́ с Тобо́ю. Но яко жéртву непорóчну приими́ мя с любóвию пожéршуюся Тебе́. То́я моли́твами, яко ми́лостив, спаси́ ду́ши на́ша.

Если есть, особый кондак мученице, и затем:

Кондак, глас 2

Слава: Храм Твой всечестный, яко цельбу́ душе́вную обрétше вси вéрнии, велегласно вопи́ем Ти, дéво мýченице, *имярек*, великоименита́я: Христа́ Бóга моли́ непрестáнно о всех нас.

И ныне, *Богородичен*: Вся пáче смы́сла, вся преслáвная Твоя́, Богорóдице, та́инства, чистотé запечатáнной, и дéвству храни́му, Мáти позна́лася еси́ нелóжна, Бóга рóждши и́стинного, Того́ моли́ спастися душа́м на́шим.

Затем:

«Честнейшую Херувим:», и прочее (см. Чин чтения канонов)

⁵ Общий тропарь читается, если нет отдельного тропаря. Если же есть, то читается отдельный тропарь.